

JOU 3

MESAJE  
SALIA

MATYE 3  
JAN BATIS





## JOU 3 - ANALIZ JENERAL AK SESYON ENTWODIKSYON

**Byenvini:** Lè w'ap akeyi timoun yo nan dezyèm jou lekòl biblik vakans mesaje Pou Jezi yo, w'ap genyen privilèj pou w' kreye yon anbyans pou yon semèn sipriz. Youn nan bon fason pou timoun yo konprann ke lekòl biblik vakans lan ap kòmanse, se nan repwodiksyon chan prensipal Mesaje Pou Jezi yo, oubyen kèk nan lòt chan ki te konpoze pou lekòl biblik vakans yo.

**Salitasyon:** Pran yon ti tan pou w' di timoun yo byenvini, pandan w'ap di kijan w' kontan dèske yo vini. Prezante tèt ou, prezante lidè chak departman yo, chak volontè ak manm pèsonèl yo.

**Lapriyè Entwodiksyon:** Envite Kris nan lekòl biblik ou a atravè lapriyè pandan w'ap kòmanse chak sesyon. Bat pou chak swa se yon moun diferan ki fè lapriyè sa.

**Tèm ak Fondman Biblik Mesaje Pou Jezi Yo:** Prezante tèm prensipal lekòl biblik la. Di timoun yo ke semèn sa yo pral aprann osijè de plizyè mesaje diferan ke Jezi itilize yon fason pou ede yo aprann plis de Li, epi kòman yo menm tou yo kapab vin tounen mesaje pou Jezi. Sa se pral yon moman espesyal tou pou prezante yo pasaj bibliki ki pral itilize kòm fondman mesaje Pou Jezi yo, 2 Korentyen 5:20a, "Konsa, nou se anbasadè pou Kris."

**Tèm Jounalye ak Baz Biblik:** Pataje tèm Jou 3 avèk timoun yo ki di: Mesaje Sali a, menm jan ak baz bibliki jou 3 ki se: Jan Batis.

**Adorasyon Atravè Kantik:** Apre w' fin prezante tèm jounalye a avèk baz bibliki la, sa se yon moman espesyal pou w' fè timoun yo louwe ak adore. Tou depann de kantite tan ke w' genyen, si w' chante de kantik mesaje pou Jezi yo ansanm ak timoun yo se ap yon bon fason pou w' ede yo santi yo kontan nan kòmansman lekòl bibliki la.

**Sketch Pou Entwodiksyon An:** Pran yon ti tan pou w' prezante sketch entwodiksyon an pandan w'ap fè lekti sa: Mesaje Jezi yo genyen yon mesaj byen enpòtan pou nou jodi a. Yo vle rakonte nou kilès Jezi ye ak pou ki rezon ke Li vle pou nou chak vin tounen mesaje pou Li tou. Nan chak sesyon lekòl bibliki la, n'ap konnen youn nan mesaje Jezi yo epi nou pral tandè mesaj ke yo chak te resevwa lòd pou bay. Mesaje Jezi yo travay anba kontwòl Katyemèt, li menm ki la pou distribiye sèvis bay mesaje pou Jezi yo. Lè genyen yon mesaj enpòtan ki dwe anonse, sèvis mesaje pou Jezi yo pa genyen konparezon. Jodi a nou pral rekonèt Katyemèt la ak yon mesaje pou Jezi ki rele Anonsè. Anonsè pa yon mesaje komen epi ki rapid, epi mesaj Jezi li genyen pou remèt la pa komen nonplis. Ann swiv Katyemèt la ak Jounalis avèk anpil atansyon pou nou kapab aprann plis!

**Pwojè Ofrann Misyonè:** Prezante pwojè Ofrann misyonè Timoun yo ki gen pou wè ak ane sa. Ou kapab pwofite moman sa pou w' ranmase ofrann ke timoun yo te pote yo.

**Konklizyon Sesyon Entwodiksyon An:** Avan w' voye timoun yo al pran plas yo nan departman lekòl bibliki la, fè yo chante youn nan kantik Mesaje pou Jezi yo yon lòt fwa ankò, ofri yon lapriyè envokasyon, oubyen fè tou de bagay yo.

# JOU 3 - SKETCH ENTWODIKSYON



## JOU 3 - SKETCH ENTWODIKSYON - ANONSÈ - MESAJE POU JEZI!

Sketch entwodiksyon pou Mesaje Jezi yo te kreye nan lide pou prezante tèm ak istwa bibliik jounalye yo bay timoun yo. Yo pral sèvi tou pou fè timoun yo patisipe nan chak evènman. Paj obsèvasyon jeneral ak sesyon entwodiksyon an, ni nan gid direktè tankou nan gid lidè a, genyen yon entwodiksyon pou chak sketch. Li entwodiksyon sa anvan chak sketch.

### Prepare Sèn Nan

Chak sketch--entwodiksyon ak konklizyon—pran plas nan Biwo Kòmandman Santral Sèvis pou Remisyon mesaj Pou Jezi yo. Se Katyemèt k'ap dirije kalite sèvis sa epi l'ap sèvi pou bay mesaj enpòtan ki soti nan Jezi yo. N'ap toujou jwenn Katyemèt la k'ap travay di dèyè biwo Kòmandman Santral la. Se la n'ap resevwa tout mesaj enpòtan yo.

### Sketch Entwodiksyon

Nan kòmansman Jou 2, Katyemèt la byen okipe nan travay li nan Kòmman Santral la lè li tande son yon mesaj ki antre pou li anonse (chwazi yon son ki pou sèvi pou reprezante alam Sèvis mesaj ki antre yo; li kapab son telefòn ou oubyen nenpòt kalite son ki kapab kapte atansyon timoun yo). Alam nan ap fè Katyemèt la konnen ke li resevwa yon mesaj enpòtan. Katyemèt la reponn alam nan.

**Katyemèt** – (Li ta bon pou Katyemèt la ta genyen kas, men w'ap kapab itilize nenpòt kalite telefòn. Sèn nan kòmansse yon fwa Katyemèt reponn apèl la lè li fin tande son alam nan). W'ap kominike avèk Sèvis Remisyon Mesaje pou Jezi yo. Mesaj ou a se pi gwo priyorite nou. Se Katyemèt la k'ap pale avèk ou la, kòman mwen kapab ede w'? (Katyemèt la dwe koute moun k'ap pale nan lòt liy nan avèk anpil atansyon). Wi, mwen konprann. (Katyemèt la dwe ekri mesaj la nan yon kaye oubyen, nan yon òdinatè). Sa se tout? Trè byen. Mwen pral voye mesaj sa kounye a. Mwen genyen moun ki ka fè travay sa byen (Katyemèt la mete fen ak apèl la apre sa li pale avèk Anonsè. Ou kapab fè Katyemèt la itilize menm telefòn nan oubyen li kapab itilize lòt mwayen ki sèvi pou sistèm kominikasyon entèn). Atansyon, Anonsè, Tanpri, peye prezans ou nan Kòmman Santral la.

**Anonsè** – (Anonsè antre nan sèn nan. Istwa bibliik jodi a baze sou Jan Batis, limenm ki te rekonèt pou resanblans san parèy li a. Bat pou Anonsè abiye yon fason ki atire atansyon, se kapab ak yon koulè rad ki klere oubyen yon fason abiye ki ra. Anplis de sa, kòm Jan Batis te rekonèt sou non vwa k ap rele nan dezè a, fè Anonsè pale avèk yon ton ki byen wo ki pou atire atansyon atravè sketch). Anonsè bay rapò travay li a?

**Katyemèt** – Wi, Anonsè. Oumenm ki konnen kijan pou w fè yo wè w.

**Anonsè** – Èske w genyen yon mesaj pou mwen bay?

**Katyemèt** – Se sa li ye menm. Mwen fenk sot resevwa kèk mesaj ki vrèman emosyonan.

**Anonsè** – Se yo ki nou vèl prefere mwen yo. De kisa li pale menm?

**Katyemèt** – Demen genyen yon vizit ki enpòtan anpil k ap rive nan vil nou an: Carlitos Pajarito. Èske w konn tande pale de li?

**Anonsè** – Absoliman. Tout mesaje nan yon radyo mil kilomèt tande pale de Carlitos. Li te premye mesaje nan klas ou a ki vole atravè oseyan.

**Katyemèt** – Kòrèkteman. Epi li pral vizite vil nou an demen pou li pale osijè de pwogrè li yo.

**Anonsè** – Demen!? Kòman fè mwen pat konn sa?

**Katyemèt** – Ekip laprès li a ki anchaje pou fè mwayen kominikasyon lokal yo konnen lè Mesye Pajarito panse fè yon vizit, te komèt yon erè. Li te ekri yon Imèl sa fè depi twa mwa avèk tout detay vizit la, men, li te bliye voye li.



## JOU 3 - SKETCH ÈNTWODIKSYON

**Anonsè** - A, mwen konprann. Ebyen nou dwe bay nouvèl sa nan tout vil la...byen rapid la!

**Katyemèt** - Se poutèt sa ke mwen te rele w, Anonsè. Ou genyen konbinezon espesyal vitès sa epi...bon...ann di ke volim ki nesèsè pou pataje yon mesaj kòm sa.

**Anonsè** - Alò, mèsì anpil paske w fè remake la Katyemèt. Mwen t ap prepare yon nouvo rens (Anonsè dwe pote yon boutèy rens pou montre piblik la) ke nou kwè ke mwen ta bay cheve mwen volim enteresan ke tout mesaje anvi. Mwen pat sèten ke l te bon, epoutan, li bon.

**Katyemèt** - A, wi, se de sa menm ke mwen te fè referans (pandan pawòl sa yo, Katyemèt la dwe gade moun k ap koute an souriyan pou ke timoun yo konprann ke li konnen ke Anonsè pat rann li kont de ke Katyemèt te fè referans ak vwa li, non ak cheve li).

**Anonsè** - Sa fè m sonje yon istwa mwen te li nan Bib mwen an.

**Katyemèt** - Ou te li Bib ou a?

**Anonsè** - Wi, mwen li Bib mwen chak jou.

**Katyemèt** - Ala bon sa bon pou moun tande sa. Ki istwa sitiyasyon nou an fè w sonje?

**Anonsè** - Li fè m sonje Istwa Jan Batis la.

**Katyemèt** - Wi, Jan Batis. Men, kisa sitiyasyon nou an fè w panse?

**Anonsè** - Li fè m sonje lè Jan Batis te vle rakonte moun ke Jezi ta pral vini. Jan Batis te konnen ke Jezi te moun ki te plis enpòtan ki ta vizite nenpòt vil, epi li te konnen ke pèsòn pa ta dwe pèdi vizit li a.

**Katyemèt** - Se sa menm Anonsè. Jezi te gen pou l rive avèk yon mesaj espesyal ki pale sou lavi ki pap janm fini an, epi Jan te konnen kijan Jezi te espesyal.

**Anonsè** - Kòrèk. Mesaj ke w vle pou m bay la pa tèlman enpòtan menm jan ak vizit Jezi a, men Mesye Pajarito se yon moun ke anpil mesaje ta renmen konnen.

**Katyemèt** - Mwen remake ke w deja konnen sa w dwe fè.

**Anonsè** - Se sa li ye menm. Mwen prale byen vit jan mwen kapab, epi si sa nesèsè, m ap leve vwa mwen byen wo pou ke pèsòn pa pèdi vizit Mesye Pajarito a.

**Katyemèt** - Vwa ou pi wo? (Yon lòt fwa ankò, Katyemèt gade foul la epi li souri). Mwen sèten ke pa gen moun k ap rete san tande ou.

**Anonsè** - Bon, m ale (pandan ke Anonsè vire pou l kite sèn nan, li dwe rele di pawòl sa yo): ATANSYON TOUT MOUN! MWEN GENYEN GWO NOUVÈL!

**Lidè** - Mwen kwè ke tout moun ap koute nouvèl Anonsè a. Men èske nou te konnen ke nou menm tou n ap tann yon vizit espesyal pou jounen jodi a? E poutan, moun sa m'ap pale de Li a pare pou li rete ansanm avèk nou chak jou wi si nou aksepte li. Mwen fè referans ak Jezi, epi jodi a n'ap genyen opòtinite pou nou resevwa li kòm Sovè nou.

# JOU 3 - SESYON KONKLIZYON/SKETCH KONKLIZYON

## SESYON KONKLIZYON

**Byenvini:** Lè timoun yo retounen pou sesyon konklizyon an, mande lidè mizik ou a pou l' fè timoun yo chante youn nan chan Mesaje pou Jezi yo.

**Salitasyon:** Di timoun yo byenvini yon lòt fwa ankò. Pran yon ti moman pou w' repase istwa bibliik Jou 3 ansanm avèk timoun yo: Jan Batis. Poze timoun yo kèk kesyon ki enpòtan sou leson an. Ou kapab mande youn nan timoun yo resite vèsè memwa Jou 3 a, Malachi 3:1, oubyen tèm Jou 3: Mesaje Sali a.

**Sketch Konklizyon an:** Prezante sketch konklizyon an (aprè sa) li sa: pandan tout semèn sa, n ap swiv evènman Sèvis Remisyon Mesaj pou Jezi yo. Se la n'ap jwenn katyemèt la ak mesaje li yo, yo menm k'ap akonpli apèl yo kòm mesaje pou Jezi. Dènye fwa ke nou te wè Anonsè, li te sou wout pou l ale bay yon nouvel sou Pajarito. Mnem jan avèk Jan Batis, li menm nan istwa sa pat vle pou okenn moun te rete san tande mesaj sou Jezi a, Anonsè pat vle pou moun yo te pèdi vizit Mesye Pajarito a. Ann prete atansyon nou ak Katyemèt avèk Anonsè pou nou konnen si li te fè siksè nan mesaj li a.

**Pwojè Ofrann Misyonè:** Ankouraje timoun yo pale ak zanmi ak fanmi yo osijè de sa yo te aprann sou pwojè Ofrann Misyonè Timoun k'ap atenn lòt Timoun yo.

**Fen Sesyon konklizyon an:** Pi bon fason pou nou mete fen ak yon sware lekòl bibliik se pandan n'ap chante yon kantik. Aprè kantik la, pran yon ti tan ankò pou w' pataje tèm nan ak leson kle ki te anseye yo ansanm ak timoun yo pandan jounen an. Fè pase nenpòt anons enpòtan ni pou timoun yo tankou lidè yo. Mete fen pa mwayen lapriyè.

## JOU 3 - SKETCH KONKLIZYON - ANONSÈ - MESAJE POU JEZI!

Sketch konklizyon mesaje pou Jezi yo fèt nan lide pou ede timoun yo repase tèm nan, istwa bibliik ak lòt eleman yo ak leson enpòtan chak jou yo. Sesyon konklizyon pou lekòl bibliik chak jou a twouve li ni nan gid direktè a menm jan ak nan gid Lidè a ki genyen yon entwodiksyon ki dwe li avan chak sketch konklizyon.

### Prepare Sèn nan

Chak sketch chak jou yo dwe fèt nan Biwo Kòmman Santral Sèvis Remisyon Mesaje Pou Jezi yo. Sèvis remisyon sa yo sou responsablite Katyemèt la epi li la pou bay mesaj ki enpòtan pou Jezi yo. Nan Kòmansman sketch konklizyon jou 2, Katyemèt la byen okipe nan travay Kòmman Santral la, lè Anonsè retounen pou remèt mesaj Jezi a.

### Sketch Konklizyon

**Anonsè** – (Lè Anonsè retounen son sèn nan, li te montre ke li kontan anpil dèske li sot pibliye nouvel osijè de vizit Mesye Pajarito a. Anonsè pale byen fò pandan l ap apwoche bò kote Katyemèt) MISION AKONPLI! Mwen mache tout kote yo epi tout moun tande vwa mwen, yo tout konnen ke Carlitos Pajarito ap vin vizite nou.

**Katyemèt** – Bon, si tout moun sa yo ki te tande vwa w' yo resevwa nouvel sa, mwen sèten ke pa genyen yon sèl k a pèdi mesaj enpòtan sa.



## JOU 3 - SKETCH KONKLIZYON

**Anonsè** - Se pa yon bagay ki fasil pou moun resevwa vizit yon moun tankou Mesye Pajarito nan vil nou an, epi mwen pa vle pou pèp la pèdi opòtinite wè li epi koute sa l fè kòm pwogrè.

**Katyemèt** - Sa sanble anpil de sa Jan Batis te eseye fè a. Li te konnen ke yon moun enpòtan te gen pou rive epi li pat vle pou pèsòn te pèdi opòtinite konnen Jezi oubyen koute mesaj li a.

**Anonsè** - Pandan mwen t ap bay mesaj osijè de Mesye Pajarito a, mwen te panse ak Jan Batis.

**Katyemèt** - Kisa w te panse menm?

**Anonsè** - Mwen te panse jan li te dwe santi li espesyal. Bondye te chwazi li pou bay youn nan mesaj ki te plis enpòtan nan listwa. Li te kapab rakonte tout moun ke Sovè mond lan te prèske rive. Èske nou kapab imajine nou jwenn yon opòtinite bay yon mesaj tankou sa?

**Katyemèt** - Men, wi.

**Anonsè** - Èske w kapab imajine sa?

**Katyemèt** - Wi. Epi oumenm tou ou kapab fè menm bagay la, menm jan ak tout timoun sa yo avèk lidè yo. Se menm mesaj Jan Batis te bay la ke noumenm tou nou aple pou bay. Lavi ki pap janm fini an ke Jezi te ofri moun sa yo ki te koute mesaj Jan Batis la, se toujou menm mesaj sali a ke Li ofri nou jounen jodi a.

**Anonsè** - Mwen pat panse l konsa. Ala yon gran lonè ke nou genyen, epi ala yon gran mesaj nou genyen pou nou pataje avèk mond nou an!

**Katyemèt** - Trè byen, Anonsè (Katyemèt vire pou l pale ak timoun yo). Lonè pou nou bay mesaj Jezi a se yon bagay ki vrèman espesyal. Bondye renmen tout timoun ki la epi li bay nou tout kado sa ki se lavi ki pap janm fini an.

**Anonsè** - Mwen dwe ale, Katyemèt. Mwen dwe ale kounye a menm! Mwen dwe ale pou m al bay mesaj ki plis enpòtan pase tout lòt yo. Mwen dwe ale di tout moun sa ke Jezi fè pou yo! (Anonsè fè prese epi kite sèn nan) ATANSYON TOUT MOUN! MWEN GENYEN PI BON MESAJ YO!

**Lidè** - Ala yon lonè tèlman espesyal. Nou pa sèlman kapab aksepte Jezi kòm Sovè nou, men tou, nou kapab rakonte tout moun osijè de lanmou ak sali Bondye a. Mwen kwè ke nou tout kapab vin Mesaje Pou Jezi!

# MESAJE SALI A



# JOU 3 - ISTWA BIBLIK



## JAN BATIS - MATYE, CHAPIT 3 - YON AVANS POU JEZI!

### Preparasyon Pou Lidè Istwa Biblik La

Enfòmasyon sa la nan lide pou ede lidè Istwa Biblik la prepare l' pou pataje istwa jounen an avèk timoun yo. Lè timoun yo tande istwa biblik la, yo resevwa plis pase yon istwa; yo tande yon mesaj ki enpòtan pou yo. Li pasaj ou jwenn aprè yo.

**Lik 1:5–25 NVE** – Pasaj sa nan Lik rakonte istwa lè Zakari ak Elizabèt te resevwa nouvel de ke pitit yo a, Jan Batis ta gen pou pran nesans. Ni fanmi Zakari ak fanmi Elizabèt te fè pati kò sasèdotal la--Zakari te soti nan branch fanmi Abyas epi Elizabèt te soti nan branch fanmi Arawon, pèsonaj prensipal istwa Jou 1 an. Nan pasaj sa, Lik rakonte kòman Zakari ki te sèvi kòm prèt disponib pou antre nan lye sen an pou ofri lansan. La menm li te rankontre ak zanj Seyè a ki te di li konsa: "Pa pè, Zakari. Bondye te tande lapriyè ou la. Elizabèt, madanm ou, pral ba ou yon pitit gason; ou va rele l' Jan. Ala kontan wa kontan lè pitit sa a va fèt! Anpil lòt moun va kontan tou lè sa a; L'ap fè anpil moun nan pèp Izrayèl la tounen vin jwenn Mèt la, Bondye yo a. L'ap mache devan Bondye nan menm lespri ak menm pouvwa pwofèt Eli te genyen an. L'ap fè papa vin byen ankò ak pitit; l'ap fè moun ki rebèl rive gen konprann tankou moun k'ap obeyi Bondye, l'ap pare yon pèp byen dispoze pou resevwa Mèt la" (Lik 1:13-14, 16-17).

Souvan fwa, lè yon koup pat kapab gen pitit, yo te konn santi yo wont. Konsa, lè Elizabèt te pran nouvel ke li ta pral genyen yon bebe, li te santi l kontan anpil. "Gade sa Mèt la fè pou mwen non! Se koulye a sa fè l' plezi pou l' wete dezonè m' devan lèzòm" (Lik 1:25).

**Lik 1:39–45 NVE** – Elizabèt te kontan anpil paske li ta pral genyen yon pitit. Li te plis kontan toujou lè li te aprann ke pitit li a ta genyen pou l te jwe yon wòl enpòtan nan lavi yon lòt timoun ki ta genyen pou fèt yon ti tan aprè. Nan pasaj sa, Elizabèt te reservwa vizit kouzin li Mari limenm li ta konvèti an manman Jezi. Pandan Elizabèt t'ap pwoche, li te fè yon gwo eksperyans. "Lè Elizabèt tande Mari di l' bonjou, pitit la pran sote nan vant li. Lamenn Elizabèt vin anba pouvwa Sentespri. Li pran pale byen fò, li di konsa: Nan tout fanm ki sou latè, ou menm ou se yon fanm Bondye beni anpil. Pitit ki nan vant ou a tou Bondye beni li" (Lik 1:41-42).

### Istwa a – Jan Batis; Yon Avans Pou Jezi – Matye 3

Pèsonaj santral istwa biblik Jou 3 se Jan Batis. Jan te rekonèt kòm anonsè pou Jezi. Yon anonsè se yon moun ki ale oubyen ke yo voye depi davans pou fè konnen ke yon moun sou wout pou l rive. Jan Batis te anonsè ki te resevwa lòd pou ale anonse ke lavi ki pap janm fini an te sou wout pou rive atravè Jezi ki se Kris la.

### Li Matye 3:1–4, NVE

Jan Batis te yon predikatè ki genyen anpil pwisans epi mesaj li te pote a te enpòtan anpil! Jan te rele moun yo vin yo tounen vin jwenn Bondye epi kite peche yo (bagay mal yo te konn fè yo). Li te di yo ke peyi wa ki nan syèl la te tou prè yo epi yo te dwe prepare kè yo pou resevwa sa ke Bondye ta gen pou voye a tou swit: Mesi a! Mesi a, oubyen Sovè a, ke Jan Batis t ap pale a se te Jezi.

Jan pat yon predikatè moun te jwenn fasil. Bib la di nou ke li pat abiye menm jan ak tout moun. Li te abiye ak po bèt epi li te viv nan dezè a. Genyen kèk moun ki te poze kesyon, de kisa nonm etranj sa ap pale la a. Men genyen anpil moun tou ki pat kite yo distrè pou aparans Jan oubyen pou kote li te viv la. Okontrè, yo te kontan tande mesaj la, yo te resevwa batèm epi resevwa larive Mesi a ke li t ap pale a depi davans.

### Li Matye 3:7–12, NVE

Farizyen ak sadiseyen te lidè nan Jerizalèm ki te kwè yo t ap sèvi Bondye. Byen souvan, yo te konn tante obsève yon bann règ epi fè moun ki pa obsève yo pran wont. Anpil nan règ yo a pat soti nan Bondye, men pito se yon kokenn chenn règ ke yo menm menm te envante pou ajoute nan règ Bondye yo.



## JOU 3 • ISTWA BIBLIK

Jan Batis te konnen ke lidè sa yo te danjere. Règ yo t ap anseye yo pat ede moun yo konnen ak renmen Bondye ak lòt moun. Sa te fè Jan fache. Li te avèti farizyen ak sadiseyen yo ke yo te gen pou yo pèdi pozisyon yo, menm jan ak move sakrifikatè nan tan Arawon yo, si yo pat chanje fason yo.

Li Matye 3:13–17, NVE

Nan epòk Jan Batis la, batize te yon siyal espesyal pou repantans. Se te yon pratik ki te demontre ke yon moun te abandone lavi peche li a epi kòmanse yon nouvo lavi pou Bondye. Jan pat santi li diy pou li te batize Jezi paske Jezi se te Pitit Bondye a. Men Jezi te pèmèt Jan batize li pou ke tout moun te konnen ke yo te kwè nan menm mesaj la epi yo te renmen Bondye.

**Kisa Nou Te Aprann Nan Istwa Jodi A?**

**Mande Timoun yo** - Èske yon fwa yo te mande kèk pami nou la pou li abiye yon fason ki etranj? (Kite timoun yo reponn). Definitivman, Jan Batis te genyen yon aparans ki etranj. Fason li te abiye te atire atansyon pou mesaj Bondye a. Men fason ke Jan te abiye a pat tèlman enpòtan tankou mesaj ke li te genyen osijè de Jezi a.

**Di Timoun yo** - Jan Batis se te yon anonsè pou Jezi. Li te chwazi pou ale devan Jezi epi ede prepare moun yo pou entèkansyon an.

**Mande Timoun yo** - Kisa Jan te di moun yo pou yo te fè pou prepare yo pou tann vini Jezi a? (Yo te dwe repanti). Se byen. Moun yo te dwe abandone peche yo. Men avan pou yo te kite peche yo a, yo te bezwen moun tankou Jan ki pou te di yo bagay yo t ap fè ki mal yo.

**Di Timoun yo** - Se pa fasil pou nou jwenn yon moun di nou ke n ap fè yon bagay ki mal. Sa kapab fè nou santi nou wont. Petèt nou ka eseye kache. Jan pat vle pou moun yo t al kache. Jan te vle yo te admèt ke yo te nan move chemen. Men sa ki plis enpòtan, li te vle yo konnen ke Bondye t ap voye Pitit li a pou wete tout peche yo epi ranpli yo avèk kè kontan ak lanmou.

**Mande Timoun yo** - Èske yon moun la kapab di mwen kisa peche a ye? (Kite timoun yo reponn). Lè nou dezobeyi Bondye ak pwòp konsyans nou, nou komèt peche.

**Mande Timoun yo** - Si sa se verite, ebyen kisa nou kapab fè pou nou sispann fè peche? (Kite timoun yo reponn). Nou dwe aksepte Jezi kòm Sovè nou, konfese peche nou yo epi kòmanse fè bagay ke Bondye vle pou nou fè.

**Di Timoun yo** - Lè nou kòmanse fè bagay ke Bondye vle pou nou fè epi pèmèt ke Jezi viv andedan kè nou epi pran responsablite lavi nou, nou vin konvèti an disip li. Yon disip se yon moun ki swiv lòt moun epi aprann de li.

**Mande Timoun yo** - Èske genyen kèk pami nou ki mande pou Jezi vin viv andedan kè li? Ki moun ki vle mande Jezi pou l vin viv nan kè li Jodi a?

**Ede Timoun Yo Vin Disip Jezikris**

Ede timoun yo mande Jezi vin viv nan kè yo se devwa ki plis enpòtan ke w kapab genyen pou w reyalize. Pou sa, lidè yo dwe byen prepare pou ede timoun yo pandan moman ki petèt pi enpòtan nan lavi timoun yo. Sa mande pou lidè istwa bibliik la mande prezans kèk nan kò dirijan yo oubyen plizyè lòt kretyen ki gen matirite nan moman dewoulman istwa bibliik twazyèm jou a.



# JOU 3 - VÈSÈ POU APRANN



## JOU 3 - VÈSÈ POU APRANN - MESAJ NAN KÈ MWEN - MALACHI 3:1A

Lekòl Biblik Vakans Mesaje Pou Jezi yo - Mesaj nan kè mwen - Analiz Jeneral ak Enfòmasyon Pou Lidè a Pawòl Bondye a se mesaj Bondye pou disip li yo. Lè pitit Bondye yo gade Pawòl Bondye nan kè yo, memorize pawòl la, yo ranpli kè yo avèk direksyon ak lanmou Bondye a. Yo menm tou yo ranpli kè yo avèk mesaj Bondye a pou yo kapab vin mesaje Bondye devan mond lan.

Tèm twazyèm jou Mesaje Pou Jezi yo se Mesaje sali a. Lide a se anseye timoun yo ke youn nan mesaj ki plis enpòtan ke yon mesaje Bondye kapab bay se osijè de kòman yon moun kapab konnen Jezi kòm Sovè li. Sa rele lavi ki pap janm fini an. Istwa biblik twazyèm jou a pale de istwa Jan Batis. Jan te yon mesaje espesyal ke Bondye te rele pou pwoklame lavi ki pap janm fini an bay lòt yo ki ta gen pou vini atravè Jezikris. Vèsè jounen an se nan Malachi. Malachi te yon mesaje Bondye, plis pase 500 ane avan nesans Jan Batis, deja li te kòmanse ap bay mesaj sali a ki ta gen pou vini atravè Jezi.

**Malachi 3:1a** – *“Seyè ki genyen tout pouvwa reponn epi li di konsa: ‘Men m’ap voye mesaje mwen devan pou l’ pare yon chemen pou mwen’”.*

Li vèsè pou aprann nan Jou 3 ansanm avèk timoun yo. Esplike yo ke vèsè a soti nan yon liv nan Bib la ki te ekri depi Jan Batis ak Jezi te fèt. Mesaje ki te chwazi a, Malachi, pa ta viv pou wè pawòl li yo tounen reyalyte. Men, li te obeyi Bondye avèk fidèlite epi bay mesaj li te voye l bay la. Bib la ranpli ak mesaj enpòtan Bondye, epi Bondye toujou ap chèche mesaje fidèl pou li bay pawòl sa yo. Nan tout mesaj enpòtan yo ke nou jwenn nan Bib la, pa genyen youn ki plis enpòtan menm jan ak mesaj ki osijè de Jezi a ak lavi ki pap janm fini ke Li pote a. Kòm disip Jezi, Bondye rele nou pou nou bay mesaj Jezi a ak lavi ki pap janm fini li an ak tout moun. Itilize mouvman yo, aksyon ak fraz ki parèt anba yo pou w ede timoun yo aprann vèsè sa.

**“Seyè a ki genyen (lonje dwèt sou syèl la) tout pouvwa (pretann mete yon kouwòn sou tèt li) reponn epi li di konsa: (mete yon men w nan chak bò bouch ou) ‘Men m’ap voye mesaje mwen devan pou l’ pare (pretann bay yon bagay fòm pandan w ap itilize men ou yo) yon chemen pou mwen.’”** (fè yon kwa avèk ponyèt ou yo).



# JOU 3 - ATIZANA

## JOU 3 - ATIZANA - VÒL SALI A!



Atizana jou a gen pou li ranfòse tèm jou 3, Mesaje Sali a!

Tèm jounen jodi a baze sou ede timoun yo konprann responsablite yo genyen pou yo ede lòt yo aprann osijè de Jezi ak mesaj ke Li genyen pou yo a. Atizana jodi a ap pèmèt ke timoun yo kreye yon avyon pou vòl lavi ki pap janm fini an pandan y ap itilize yon boutèy dlo, kote ke pasaje yo ap reprezante moun ke timoun yo ap kapab pataje mesaj sali Jezi a.

### Sa Ke W Ap Bezwen

Nan paj resous Twazyèm jou a, li menm ki twouve li nan [www.krknaz.com](http://www.krknaz.com), w ap jwenn yon vèsyon koulè ak youn an blan e nwa nan pyès avyon an menm jan ak pasaje ki nan vòl pou sali a, yo menm ke w ap kapab telechaje ak enprime. Chak timoun dwe genyen pwòp kopi pyès avyon yo. Enprime kantite pasaje ke w vle pou ke chak timoun genyen ase. Si w vle itilize pyès an blan e nwa, bay timoun yo makè oubyen kreyon ak


lòt atik dekorasyon. Epi tou, chak timoun ap bezwen pwòp boutèy vid pa yo ki dwe mezire yon lit. W ap bezwen adezif tou oubyen lakòl.



### Kòman Vòl Sali A Kreye!

**Pa 1** - Ede timoun yo koupe pyès avyon yo.

**Pa 2** - Double ke a avèk zèl yo sou liy pwenkiye yo jan sa endike anba a.



**Pa 3 ak 4** - Itilize lakòl oswa adezif, kole liy gri zèl yo nan chak bò ke yo. Aprè sa, kole ke a nan kò avyon an jan sa endike nan imaj la.



**Pa 5 ak 6** - Double liy gri zèl yo, itilize adezif la oubyen lakòl la, kole yo sou liy gri sou kò avyon an.



**Pa 7** - Itilize lakòl oubyen adezif, kole pati kò avyon yo sou kò boutèy la jan sa endike anba a.



Finalman, mande timoun yo pou yopanse osijè de moun ke yo pral kapab pataje mesaj sali Jezi a. Mande yo pou yo ekri non moun sa yo nan papyè chak pasaje ki nan Vwayaj Sali a. Aprè sa, mande yo pou yo depoze chak papyè anndan avyon yo a.

Mete non pasaje ou sou liy lan.



# JOU 3 - KOLASYON RAPID LA



## BYEN VINI NAN KOLASYON RAPID LA

Genyen yon kalsyon fèt pou chak jou, li menm k'ap pèmèt ou ofri timoun yo yon bon manyè pou yo eksperimante lekòl biblik vakans lan. Lide sa yo kapab mande yon seri de preparasyon, men, rezilta efò w' yo ap gen anpil enpòtans pou yo. Anpil fwa, prezidan lekòl biblik yo konn ap obsève ke plas kolasyon an pa dwe pran menm kantite tan ak lòt yo. Si sa rive, melanje li ak kèk lòt sit

## Kolasyon Jou 3 - Pizza Ti Mesaje Yo

Kolasyon pou jounen jodi a pote tit Pizza Ti Mesaje yo epi li genyen ladan li klokèt ak chokola ak fwomaj sou yon bonbon won sale.

## Engredyan Ki Sigjere Yo\*



**BONBON  
WON SALE**



**CHOKOLA**



**BLÒK FWOMAJ KARE**



**TI BATON/  
TRANCH FWOMAJ**

## Kòman Pizza Ti Mesaje Yo Kreye

**PA 1** - Koupe chak kwen dous la sou fòm triyang.



**PA 2** - Koupe triyang lan pou w kapab kreye plis ti triyang pou prezante je ak bouch la.



**PA 3** - Koupe kwen bè yo ak yon mezi anviwon 2.5cm x 2.5cm nan dyagonal.



**PA 4** - Koupe chak kwen yo nan mitan yon lòt fwa ankò.



**PA 5** - Koupe ti baton bè yo an mòso ki mezire demi santimèt.



**PA 6** - Monte Pizza Ti Mesaje yo jan sa endike a.


\*Engredyan ki itilize nan egzanp sa yo se tousenpleman sigjesyon ki fèt pou oryante ou.





# JOU 3 - JWÈT KADINAL

## JOU 3 - DIREKSYON KADINAL - SANT



Jou 3 – Sant - Lè nou kenbe yon konpa nan men nou, flèch la andedan li toujou pran direksyon nò san gade direksyon kote nou prale a. Sepandan, flèche la pa ta kapab vize nò si l pat konekte avèk yon panti nan mitan konpa. Kòm disip Jezi, nou menm tou nou bezwen yon panti nan sant lavi nou. Se Jezi panti nou dwe ye. Lè se Jezi ki sant lavi nou, nou kapab kwè ke L ap toujou la pou montre nou chemen ki kòrèk la.

Tèm jou 3 se Mesaje Sali a. Jodi a se yon jou enpòtan nan lekòl bibliik vakans lan. Pandan twazyèm jou a, timoun yo ap gen opòtinite pou yo aksepte Jezi kòm Sovè yo. Sali a vini atravè Jezi sèlman. Se poutèt sa, se Jezi ki dwe objektif ak baz nou. Lè w ap gide timoun yo atravè jwèt jounen jodi a, mete aksan sou mete Jezi nan wonn sant lan.

### Jezi Nan Wonnn Sant Lan!

Jwèt jodi a se yon manyè enteresan ak fasil pou ede timoun yo konprann ke lè se koze lavi ki pap janm fini an, objektif ak konsantrasyon yo dwe Jezi. Jezi dwe nan wonn sant lan.

**Sa ke w ap bezwen:** Jwèt sa mande preparasyon.

- \* Plizyè bwat ki genyen plizyè gwosè avèk fòm diferan. Dekore bwat yo pou li vin sanble yon mi.
- \* Blad ki gen plizyè koulè diferan.  
Mete plizyè lòt blad disponib pou si gen lòt ki ta pete pandan dewoulman jwèt la.
- \* Sachè pwa oubyen ti sachè kim.
- \* Opsyon dlo - eponj ak bokit dlo yo.


**Kòman Mi An Kapab Prepare:** 1. Itilize bwat yo pou w konstwi yon mi. Kite kèk twou vid kote pou w mete blad yo. Fè yon twou nan mitan mi an, kote w ap mete blad Jezi a. Gade dyagram ki vini anba a. Bay chak blad yon valè diferan. Blad Jezi a, nan mitan, li dwe genyen pi gwo valè a.

**Kòman Nou Kapab Jwe:** Divize timoun yo an gwoup de 4 oubyen 5.

Chak timoun ap genyen yon chans pou yo lanse pandan chak jwèt.

2. Mande timoun yo pou yo kanpe nan menm distans ak mi an.

Pèmèt ke chak timoun lanse 2 oubyen 3 fwa. Lè yon timoun rive atenn yon blad, ekip li a ap genyen pwen. 3. Fè kalkil kantite pwen chak timoun genyen epi bay total la. Ekip ki genyen pi gwo kantite pwen an se li menm ki chanpyon.



\*Ou kapab bezwen sèvi ak adezif pou kenbe blad yo an plas.

**Opsyon Dlo** - Si w chwazi itilize dlo, mande pou chak timoun mouye eponj yo a nan yon gode dlo avan chak entèvansyon.

## JEZI SE WONN SANT LAVI MWEN!

# JOU 3 - ANTRÈNMAN DISIP



LEKÒL BIBLIK VAKANS MESAJE POU JEZI YO -

ANTRÈNMAN DISIP - ANALIZ JENERAL AK ENFÒMASYON POU LIDÈ ANTRÈNMAN POU MESAJE YO

Nan Matye 28:19, Jezi te di moun k ap swiv li yo konsa, "Ale epi fè disip nan tout nasyon yo". Sa se te yon apèl pou tout moun ki te la nan jou sa a, men tou se pou tout disip Jezi yo jodi a. Kòm lidè ki anchaje plas antrènman disip pou Mesaje Jezi yo, ou genyen lonè pou w reponn ak apèl Jezi pandan w ap ede timoun lekòl bibliik vakans yo grandi kòm disip Jezi, pandan y ap vin tounen mesaje Jezi.

Twazyèm jou a enpòtan anpil. Sa se jou kote w pral mande timoun yo pou yo mete konfyans yo nan Jezi kòm Sovè ak zanmi yo. Kòm disip yo deside swiv Jezi epi imite pawòl ak aksyon li yo, yo grandi epi mete konfyans yo nan Li. Pliske konfyans yo grandi, timoun yo pral aprann ke yo kapab mete konfyans yo nan Bondye nan tout bagay.



Pou anpil timoun, konfyans a se yon bagay ki difisil. Mond nou an plen avèk egzanp ki kapab fè yo pa vle mete konfyans yo nan pèsòn. Yo anseye yo pou yo pa mete konfyans yo nan moun yo pa konnen oubyen nan animal ke yo pa konnen yo. Se poutèt sa, lè w mande yo pou yo mete konfyans yo nan Jezi, ou pral genyen pou w fè fas ak yon gwo defi. Aktivite ki anba a, menm jan avèk aktivite antrènman disip twazyèm jou a te fèt pou ede w prezante kalite konfyans ki pral pèmèt yo mete plis lafwa nan Jezi.

**Konfyans nan Jezi: "Bay ak Resevwa"** - Lè yon moun vin konvèti an disip Jezi, li mete konfyans li nan Jezi. Aprann mete konfyans nan Jezi mande pou disip la fè bagay sa yo. Sa gen pou wè ak resevwa bagay sa yo tou ki va soti nan Jezi. Pwovèb 3:5-6 genyen twa bagay ke disip Jezi a dwe fè lè li mete konfyans li nan Jezi. Genyen twa bagay ke yo resevwa tou lè yo mete konfyans yo nan Jezi.

**5 Mete tout konfyans ou nan Seyè a. Pa gade sou sa ou konnen.**

**6 Toujou chonje Seyè a nan tou sa w'ap fè. Li menm, l'a moutre ou chemen pou ou pran.**

## Sa Ke Disip La Dwe Fè

Konfyans nan Jezi mande yon disip pou li remèt

tout \_\_\_\_\_. (Vèsè 5)

Konfyans nan Jezi tou siyifi ke mwen pa dwe mete

konfyans mwen nan pwòp \_\_\_\_\_. (Vèsè 5)

Konfyans nan Jezi siyifi ke mwen dwe toujou

\_\_\_\_\_ nan Li. (Vèsè 6)

## Sa Ke Jezi Pral Fè Pou Disip La

Konfyans nan Jezi siyifi ke l ap ede mwen lè mwen

pa \_\_\_\_\_ yon bagay. (Vèsè 5)

Konfyans nan Jezi siyifi ke lè bagay yo parèt difisil,

L'ap \_\_\_\_\_ pou mwen pran. (Vèsè 6)

Konfyans nan Jezi tou siyifi ke si mwen obeyi kòmand-

man li yo, L ap montre mwen \_\_\_\_\_. (Vèsè 6)



# JOU 3 - FÈY AKTIVITE ELÈV LA

NON -----

## JOU 3 - TÈM MESAJE SALI A

### JOU 3 - FOKIS SOU LAPRIYÈ

Chè Jezi,  
mwen vle konnen plis bagay osijè  
de ou menm. Ede m obeyi mesaje  
ke w chwazi ki pou  
anseye m yo.

## JOU 3 - BAZ BIBLIK

Istwa biblik twazyèm jou a prezante timoun yo Jan Batis. Jan te yon mesaje espesyal ke Bondye te chwazi pou anonse lavi ki pap janm fini an ki te pwòch. Sa te lavi ki pap janm fini an ke nou kapab jwenn sèlman nan Jezi. Nou jwenn pasaj sa nan Matye 3:1-6 ak 11.

1 Lè sa a, Jan Batis parèt nan dezè Jide a. Li t'ap mache bay mesaj sa a. 2 Li t'ap di: "Tounen vin jwenn Bondye. Paske, Bondye ki wa nan syèl la ap vin pran pouvwa a nan men l'". 3 Se sou Jan pwofèt Ezayi t'ap pale lè l' te di: "Se vwa yon nonm k'ap rele nan dezè a: Pare gran wout Seyè nou an. Plani chemen an byen plani pou li". 4 Jan te gen yon rad fèt ak pwal chamo sou li, li te mare ren l' ak yon sentiwon an po. Li te manje krikèt ak gato myèl li te jwenn nan bwa. 5 Moun soti lavil Jerizalèm, nan tout peyi Jide a ak nan tout vwazinaj larivyè Jouden an, yo tout te vin jwenn Jan. 6 Yo te konfese peche yo devan tout moun. Apre sa, Jan te batize yo nan larivyè Jouden an.

11 "Mwen menm, mwen batize nou nan dlo, pou fè wè nou tounen vin jwenn Bondye. Men, moun k'ap vin apre mwen an gen plis pouvwa anpil pase m'. Mwen pa bon ase menm pou m' ta wete sapat ki nan pye li. Se li menm ki va batize nou nan Sentespri ak nan dife".

Itilize pasaj Matye a pou w reponn kesyon sa yo. Aprè sa, jwenn repons ki nan soup lèt yo

JAN PRECHE NAN DEZÈ A ----- (V 1)

JAN TE DI KE PEYI WA KI NAN ----- LA TE PWÒCH. (V 2)

PWOFÈT ----- TE PALE OSIJÈ DE JAN. (V 3)

JAN SE TE ----- YOUN K AP RELE NAN DEZÈ A. (V 3)

JAN TE DI MOUN YO POU YO TE FÈ WOUT ----- POU JEZI. (V 3)

JAN TE GEN YON ----- FÈT AK PWAL CHAMO SOU LI. (V 4)

JAN TE MANJE KRIKÈT AK GATO ----- LI TE JWENN NAN BWA. (V 4)

JAN ----- MOUN YO NAN LARIVYÈ ----- (V 6)

JAN DI KE LI T AP ----- MEN GEN YOUN KI PLIS PWISAN  
PASE LI. (V 11)

JAN TE DI TOUT MOUN KE MOUN KI TA GEN POU VINI AN (JEZI)  
TE GEN POU BATIZE YO NAN ----- SEN AN AK DIFE. (V 11)

R M P Y R I R P S E L

P A S M E N L C È L J

H È D C Z I E H R N I

E Z A Y I V Z E L E D

M O Y U T S I M I D E

O Y M T A W D E Y U L

S Y È L B L A N E O W

N O S L M B L T R J O

# JOU 3 - FÈY AKTIVITE ÈLÈV YO



## ANTRÈNMAN DISIP: FÒMASYON POU MESAJE YO

**Konfyans nan Jezi: "Bay ak Resevwa"** - Lè yon moun vin konvèti an disip Jezi, li mete konfyans li nan Jezi. Aprann mete konfyans nan Jezi mande pou disip la fè bagay sa yo. Sa gen pou wè ak resevwa bagay sa yo tou ki va soti nan Jezi. Pwovèb 3:5-6 genyen twa bagay ke disip Jezi a dwe fè lè li mete konfyans li nan Jezi. Genyen twa bagay ke yo resevwa tou lè yo mete konfyans yo nan Jezi.

*5 Mete tout konfyans ou nan Seyè a. Pa gade sou sa ou konnen.*

*6 Toujou chonje Seyè a nan tou sa w'ap fè. Li menm, l'a moutre ou chemen pou ou pran.*

### Sa Ke Disip La Dwe Fè

Konfye nan Jezi mande yon disip pou li remèt

tout \_\_\_\_\_ . (Vèsè 5)

Konfye nan Jezi tou siyifi ke mwen pa dwe mete

konfyans mwen nan pwòp \_\_\_\_\_ . (Vèsè 5)

Konfye nan Jezi siyifi ke mwen dwe toujou

\_\_\_\_\_ nan Li . (Vèsè 6)

### Sa Ke Jezi Pral Fè Pou Disip La

Konfye nan Jezi siyifi ke l ap ede mwen lè mwen

pa \_\_\_\_\_ yon bagay. (Vèsè 5)

Konfye nan Jezi siyifi ke lè bagay yo parèt difisil,

L'ap \_\_\_\_\_ pou mwen pran. (Vèsè 6)

Konfye nan Jezi tou siyifi ke si mwen obeyi kòmand-

man li yo, L ap montre mwen \_\_\_\_\_ . (Vèsè 6)

## JOU 3 - VÈSÈ POU APRANN

Ajoute mo ki manke yo.

**SEYÈ KI GEN TOUT \_\_\_\_\_ A  
REPONN LI: "MWEN PARE POU MWEN \_\_\_\_\_  
MESAJE MWEN POU \_\_\_\_\_ CHEMEN  
AN DEVAN MWEN"** • MALACHI 3:1, NVE

**MESAJE POU JEZI**

# MESAJE SALI A

SEYÈ KI GEN TOUT POUVWA  
A REPONN LI: "MWEN PARE  
POU MWEN VOYE MESAJE  
MWEN POU PREPARE  
CHEMEN AN DEVAN MWEN."

MALACHI 3:1, NVE





Jou 3

# MESAJE SALIA

MATYE 3  
JAN BATIS





## JOU 3 - TI ISTWA BIBLIK YO



### JAN BATIS - MATYE CHAPIT 3 - YON AVANS POU JEZI!

#### Preparasyon Pou Lidè Istwa Biblik La

Enfòmasyon sa la nan lide pou ede lidè Istwa Biblik la prepare l' pou pataje istwa jounen an avèk timoun yo. Lè timoun yo tande istwa biblik la, yo resevwa plis pase yon istwa; yo tande yon mesaj ki enpòtan pou yo. Li pasaj ou jwenn aprè yo.

**Lik 1:5–25 NVE** – Pasaj sa nan Lik rakonte istwa lè Zakari ak Elizabèt te resevwa nouvel de ke pitit yo a, Jan Batis ta gen pou pran nesans. Ni fanmi Zakari ak fanmi Elizabèt te fè pati kò sasèdotal la--Zakari te soti nan branch fanmi Abyas epi Elizabèt te soti nan branch fanmi Arawon, pèsonaj prensipal istwa Jou 1 an. Nan pasaj sa, Lik rakonte kòman Zakari ki te sèvi kòm prèt disponib pou antre nan lye sen an pou ofri lansan. La menm li te rankontre ak zanj Seyè a ki te di li konsa: "Pa pè, Zakari. Bondye te tande lapriyè ou la. Elizabèt, madanm ou, pral ba ou yon pitit gason; ou va rele l' Jan. Ala kontan wa kontan lè pitit sa a va fèt! Anpil lòt moun va kontan tou lè sa a; L'ap fè anpil moun nan pèp Izrayèl la tounen vin jwenn Mèt la, Bondye yo a. L'ap mache devan Bondye nan menm lespri ak menm pouvwa pwofèt Eli te genyen an. L'ap fè papa vin byen ankò ak pitit; l'ap fè moun ki rebèl rive gen konprann tankou moun k'ap obeyi Bondye, l'ap pare yon pèp byen dispoze pou resevwa Mèt la." (Lik 5:13–14, 16–17)

Fanmi izrayelit yo te renmen genyen pitit gason paske se yo menm ki te konn chache manje pou fwaye a, travay tankou kiltivatè, antreprenè ak jounalis. Souvan fwa, lè yon koup pat kapab gen pitit, yo te konn santi yo wont. Konsa, lè Elizabèt te pran nouvel ke li ta pral genyen yon bebe, li te santi l kontan anpil. "Gade sa Mèt la fè pou mwen non! Se koulye a sa fè l' plezi pou l' wete dezonè m' devan lèzòm." (Lik 1:25)

**Lik 1:39–45 NVE** – Elizabèt te kontan anpil paske li ta pral genyen yon pitit. Li te plis kontan toujou lè li te aprann ke pitit li a ta genyen pou l te jwe yon wòl enpòtan nan lavi yon lòt timoun ki ta genyen pou fèt yon ti tan aprè. Nan pasaj sa, Elizabèt te reservwa vizit kouzin li Mari limenm li ta konvèti an manman Jezi. Pandan Elizabèt t'ap pwoche, li te fè yon gwo eksperyans. "Lè Elizabèt tande Mari di l' bonjou, pitit la pran sote nan vant li. Lamem Elizabèt vin anba pouvwa Sentespri. Li pran pale byen fò, li di konsa: Nan tout fanm ki sou latè, ou menm ou se yon fanm Bondye beni anpil. Pitit ki nan vant ou a tou Bondye beni li." (Lik 1:41–42)

#### Istwa A - Jan Batis: Yon Avans Pou Jezi - Matye 3

Pèsonaj santral istwa biblik Jou 3 se Jan Batis. Jan te rekonèt kòm anonsè pou Jezi. Yon anonsè se yon moun ki ale oubyen ke yo voye depi davans pou fè konnen ke yon moun sou wout pou l rive. Jan Batis te anonsè ki te resevwa lòd pou ale anonse ke lavi ki pap janm fini an te sou wout pou rive atravè Jezi ki se Kris la.

#### Li Matye 3:1–4, NVE

Jan pat yon predikatè moun te jwenn fasil. Bib la di nou ke li pat abiye menm jan ak tout moun. Li te abiye ak po bèt epi li te viv nan dezè a. Genyen kèk moun ki te poze kesyon, de kisa nonm etranj sa ap pale la a. Men genyen anpil moun tou ki pat kite yo distrè pou aparans epi yo te koute mesaj la. Yo te aksepte mesaj pou yo te sispann fè peche kont Bondye a epi pèmèt ke Jan batize yo epi prepare yo pou Jezi.

#### Li Matye 3:7–12, NVE

Farizyen ak sadiseyen te lidè nan Jerizalèm ki te kwè yo t ap sèvi Bondye. Byen souvan, yo te konn tante obsève yon bann règ epi fè moun ki pa obsève yo pran wont. Anpil nan règ yo a pat soti nan Bondye, men pito se yon kokenn chenn règ ke yo menm menm te envante pou ajoute nan règ Bondye yo.



## JOU 3 - TI ISTWA BIBLIK YO



Jan Batis te konnen ke lidè sa yo te danjere. Règ yo t ap anseye yo pat ede moun yo konnen ak renmen Bondye ak lòt moun. Sa te fè Jan fache. Li te avèti farizyen ak sadiseyen yo ke yo te gen pou yo pèdi pozisyon yo, menm jan ak move sakrifikatè nan tan Arawon yo, si yo pat chanje fason yo.

**Li Matye 3:13–17, NVE**

Nan epòk Jan Batis la, batize te yon siyal espesyal pou repantans. Se te yon pratik ki te demontre ke yon moun te abandone lavi peche li a epi kòmanse yon nouvo lavi pou Bondye. Jan pat santi li diy pou li te batize Jezi paske Jezi se te Pitit Bondye a. Men Jezi te pèmèt Jan batize li pou ke tout moun te konnen ke yo te kwè nan menm mesaj la epi yo te renmen Bondye

**Kisa Nou Te Aprann Nan Istwa Jodi A?**

**Di timoun yo** – Se Bondye ki te chwazi Jan Batis pou di pèp la ke Jezi te prèt pou rive.

**Ede Timoun Yo Vin Disip Jezikris**

Ede timoun yo mande Jezi vin viv nan kè yo se devwa ki plis enpòtan ke w kapab genyen pou w reyalize. Pou sa, lidè yo dwe byen prepare pou ede timoun yo pandan moman ki petèt pi enpòtan nan lavi timoun yo. Sa mande pou lidè istwa biblik la mande prezans kèk nan kò dirijan yo oubyen plizyè lòt kreyen ki gen matirite nan moman dewoulman istwa biblik twazyèm jou a. .



# MESAJE SALI A



## JOU 3 - TI VÈSÈ POU APRANN YO



### JOU 3 - VÈSÈ POU APRANN - MESAJ NAN KÈ M NAN - MALACHI 3:1A

Ti Mesaje Pou Jezi – Vèsè Pou Aprann – Mesaj Nan Kè M Aan Analiz Jeneral Ak Enfòmasyon Pou Lidè A

Pawòl Bondye a se mesaj Bondye pou disip li yo. Lè pitit Bondye yo gade Pawòl Bondye nan kè yo, memorize pawòl la, yo ranpli kè yo avèk direksyon ak lanmou Bondye a. Yo menm tou yo ranpli kè yo avèk mesaj Bondye a pou yo kapab vin mesaje Bondye devan mond lan.

Tèm twazyèm jou Mesaje Pou Jezi yo se Mesaje sali a. Lide a se anseye timoun yo ke youn nan mesaj ki plis enpòtan ke yon mesaje Bondye kapab bay se osijè de kòman yon moun kapab konnen Jezi kòm Sovè li. Sa rele lavi ki pap janm fini an. Istwa biblik twazyèm jou a pale de istwa Jan Batis. Jan te yon mesaje espesyal ke Bondye te rele pou pwoklame lavi ki pap janm fini an bay lòt yo ki ta gen pou vini atravè Jezikris. Vèsè jounen an se nan Malachi. Malachi te yon mesaje Bondye, plis pase 500 ane avan nesans Jan Batis, deja li te kòmanse ap bay mesaj sali a ki ta gen pou vini atravè Jezi.

**Malachi 3:1a (NVE)** – *“Seyè ki genyen tout pouvwa reponn epi li di konsa: ‘Men m’ap voye mesaje mwen devan pou l’ pare yon chemen pou mwen’”.*

Li vèsè pou aprann nan Jou 3 ansanm avèk timoun yo. Esplike yo ke vèsè a soti nan yon liv nan Bib la ki te ekri depi Jan Batis ak Jezi te fèt. Mesaje ki te chwazi a, Malachi, pa ta viv pou wè pawòl li yo tounen reyalyte. Men, li te obeyi Bondye avèk fidèlite epi bay mesaj li te voye l bay la. Bib la ranpli ak mesaj enpòtan Bondye, epi Bondye toujou ap chèche mesaje fidèl pou li bay pawòl sa yo. Nan tout mesaj enpòtan yo ke nou jwenn nan Bib la, pa genyen youn ki plis enpòtan menm jan ak mesaj ki osijè de Jezi a ak lavi ki pap janm fini ke Li pote a. Kòm disip Jezi, Bondye rele nou pou nou bay mesaj Jezi a ak lavi ki pap janm fini li an ak tout moun. Itilize mouvman yo, aksyon ak fraz ki parèt anba yo pou w ede timoun yo aprann vèsè sa. Pi ba a, w ap jwenn yon vèsyon ki rezime vèsè a. Si li bon pou pataje vèsè a avèk timoun yo ankè, ede yo memorize vèsyon kout sa pral bay plis fòs ak baz biblik jounen an.

**“Seyè a ki genyen (lonje dwèt sou syèl la) tout pouvwa (pretann mete yon kouwòn sou tèt li) reponn epi li di konsa: (mete yon men w nan chak bò bouch ou) ‘Men m’ap voye mesaje mwen devan pou l’ pare (pretann bay yon bagay fòm pandan w ap itilize men ou yo) yon chemen pou mwen.’”** (fè yon kwa avèk ponyèt ou yo).



# JOU 3 - TI FÈY AKTIVITE ÈLÈV LA YO



NON -----

## JOU 3 - TÈM MESAJE SALI A

JOU 3 - TI MESAJE POU JEZI YO  
FOKIS SOU LAPRIYÈ

Chè Jezi,  
Ede m obeyi mesaje ke w chwazi  
ki pou anseye m yo.

## JOU 3 - BAZ BIBLIK

Istwa biblik twazyèm jou a prezante timoun yo Jan Batis. Jan te yon mesaje espesyal ke Bondye te chwazi pou anonse lavi ki pap janm fini an ki te pwòch. Sa te lavi ki pap janm fini an ke nou kapab jwenn sèlman nan Jezi. Nou jwenn pasaj sa nan Matye 3:1-6 ak 11.

1 Lè sa a, Jan Batis parèt nan dezè Jide a. Li t'ap mache bay mesaj sa a. 2 Li t'ap di: "Tounen vin jwenn Bondye. Paske, Bondye ki wa nan syèl la ap vin pran pouvwa a nan men l'". 3 Se sou Jan pwofèt Ezayi t'ap pale lè l' te di: "Se vwa yon nonm k'ap rele nan dezè a: Pare gran wout Seyè nou an. Plani chemen an byen plani pou li". 4 Jan te gen yon rad fèt ak pwal chamo sou li, li te mare ren l' ak yon sentiwon an po. Li te manje krikèt ak gato myèl li te jwenn nan bwa. 5 Moun soti lavil Jerizalèm, nan tout peyi Jide a ak nan tout vwazinaj larivyè Jouden an, yo tout te vin jwenn Jan. 6 Yo te konfese peche yo devan tout moun. Apre sa, Jan te batize yo nan larivyè Jouden an.

11 "Mwen menm, mwen batize nou nan dlo, pou fè wè nou tounen vin jwenn Bondye. Men, moun k'ap vin apre mwen an gen plis pouvwa anpil pase m'. Mwen pa bon ase menm pou m' ta wete sapat ki nan pye li. Se li menm ki va batize nou nan Sentespri ak nan dife".

Mo ke w ap jwenn nan lis anba a yo se mo kle pasaj biblik la. Jwenn chak mo epi fè yon wonn alantou yo chak.

R	M	P	Y	R	I	R	P	S	E	L
P	A	S	M	E	N	L	C	È	L	J
H	È	D	C	Z	I	E	H	R	N	I
E	Z	A	Y	I	V	Z	E	L	E	D
M	O	Y	U	T	S	I	M	I	D	E
O	Y	M	T	A	W	D	E	Y	U	L
S	Y	È	L	B	L	A	N	E	O	W
N	O	S	L	M	B	L	T	R	J	O

### Lis Mo Yo

Jide  
 Syèl  
 Ezayi  
 Chemen  
 Dwat  
 Rad  
 Myèl  
 Batize  
 Jouden  
 Vini  
 Lespri



# JOU 3 - TI FÈY AKTIVITE ÈLÈV LA YO



## ANTRÈNMAN DISIP: FÒMASYON POU MESAJE YO



Disip Jezi Yo Dwe...

# KONFYE NAN JEZI

## JOU 3 - VÈSÈ POU APRANN

Ajoute mo ki manke yo.

**SEYÈ KI GEN TOUT ----- A  
REPONN LI: "MWEN PARE POU MWEN ----  
MESAJE MWEN POU ----- CHEMEN  
AN DEVAN MWEN" • MALACHI 3:1, NVE**